

高平縣志卷之九

叢譚志

春秋紀災不紀祥聖門語經不語怪蓋謂天道遠而難察人事近而有徵也至于小術可觀異端必屏君子脊焉然而事無害于大義客有益于吾土方藉以備觀風之勝况古者天子歲與吏民相見若令父老扶杖而論風俗談廢興未必非快舉也志叢譚

祥異

高平縣志

利集

卷九

一

漢

永康元年秋八月己亥泫氏縣地裂

按漢紀永康元年八月十五日夜泫氏地裂數十丈即今王報寺庄白方等村是也

晉

太康元年春三月辛未霜雹傷桑麥

桑方吐葉麥正揚旛農相慶于野以為有年之兆未幾霜隕雨雹交作桑麥為之盡枯

永寧元年冬十月乙亥風雹折木

雹大如雞自晝至夜平地幾三尺

唐

乾元二年秋不雨

自夏六月不雨至秋九月不雨禾黍一空有司發倉廩以賑貸仍告于懷孟

周

顯德元年春三月丙午有鵲巢于縣郭之南川

鵲初巢于栢樹之顛有鷓鴣為害乃移巢于城郭南平地每巢中為雛者七八

宋

大中祥符元年秋七月甲子五龍騰躍于丹河上

高平縣志

利集

卷九

二

時方大飢民艱于食有司禱雨不應至是五龍見于丹河之上光映數里雨澤隨降歲豐稔斗米僅錢數十

金

天眷三年夏五月庚申地震

震時老稚驚死者數百人

皇統三年春三月戊子五龍復見于丹河上

歲豐稔亦如祥符

元

至正二十二年夏大旱

春不雨麥苗盡枯百姓驚惶百計禱雨不應至夏  
陽益甚歷三月空無片雲盜賊起有司奏蠲  
租不報

至元二十九年饑

時淫雨冰雹相兼夏麥秋禾盡廢百地皆赤  
地死者枕藉流離載道呻吟之聲至不忍聞

大德七年秋八月丁亥地震

八月朔日夜將半忽大風起西北官民皆驚起須  
臾地震如搖櫓蕩槳之狀官舍民廬壞者無筭

九月火

高平縣志

利集

卷九

三

火起于民家延及衙舍說者  
謂烏鴉為害恐未可憑也

十一年夏四月庚戌地震

先是土都地震壞及宮寢至是高平地  
震自午及申如舟將寢九三日乃止

明

永樂十二年秋八月甲子霖雨害稼

初夏月亢旱民有憂色已而六月望日甘雨降民  
始植穀禾稼暢茂至八月朔大風驟作淫雨如注  
平地水深三尺溝澮皆盈漂沒田  
禾殆盡而唐安等村尤其甚者

景泰元年秋七月戊午隕霜殺

米山鎮之東幾二十里

### 天順六年歲大饑

斗粟至千錢官倉民積百無一存少壯搏老稚以為食甚且有易子而食者餓殍在野腐臭之氣聞數里有司收而埋之為萬人坑相傳在城北里

### 十八年夏六月丁未大水

城近西山時有水患至是民有角而羊者金峰之麓水忽暴漲而下城郭幾為蕩沒

### 二十年歲大饑民多疫死者至相食上遣官賑卹

免租之半

## 高平縣志

## 利集

## 卷九

## 四

時饑饉荐臻民無完膚且疫癘繼作民間十室九空強壯者啖老弱而食有司奏聞上惻然動念遣戶部郎中轉解河南山東二省粟各萬石賑卹仍免山西闔省租一半民為之稍甦

### 弘治元年秋八月壬子大風折木

或折其枝或拔其根雖喬棟亦然今風雲雷雨壇松木卧地亦其時之折而僅存者

### 八年蝗

穀初成有蝗自澤州來勢如飛雨凌空而下九心葉節根食之殆遍時知縣楊器甫下車釀祀之蝗乃息

### 十二年夏旱秋澇

時旱極野無青草知縣楊子器謂僚屬曰吾觀城東南隅有雨氣不識為何處指而示之衆曰此淵靈泉舊禱雨虞器乃徒步而往命里老各縛蛇獅仍令童子歌曰蜥蜴蜥蜴興雲吐霧下雨滂沱放汝歸去乃縱蛇獅于泉湏臾陰雲四合細雨下降衣袍盡濕器命撤去雨盖行歌互荅抵縣大雨傾注四郊霑足至今禱雨者每遇旱輒傲其故事以期靈應云

### 正德八年夏五月青

是時武皇建立皇莊民有怨言八年有黑青為災夜入人或嘯于梁或坐于榻狀如青衣四境驚惶夜不安寢小兒見之恐懼而死

### 十三年秋大水

## 高平縣志

## 利集

## 卷九

## 五

秋雨淋漓水溢丹河奔湧而來幾壞城郭臨丹等村壞民舍數千間

### 嘉靖二年春三月風無麥

狂風驟起沙土自空而降凡三日麥苗被沙墮死

### 五年冬十月己未地震

時十月三日震時民猶不覺須臾大震山陵皆動百姓恐不敢入室相與抱伏于野

### 十二年春三月癸丑雨雹

空倉嶺有大如輻軸者

### 冬十月乙亥星隕如雨

初昏時恆星不見抵夜星隕如雨經行失  
南北交流未幾河南巨盜師尚兆兵起

### 三十四年民亂嫁娶

時陶真人見幸明世宗採女童以為仙藥相傳至  
縣凡民有女者懼為採取日夜驚惶已字人者速  
其于歸未受聘者至不由媒妁徃送男  
家民間婚媾日無暇刻鼓樂徹夜不絕

### 三十七年夏四月丁酉羊頭山產芝入貢

嘉靖晚年各處競以祥瑞進至是  
高平產芝入貢識者不無後議

### 隆慶二年大有年

每畝獲粟四石少者亦不下三石斗  
米僅三十錢民間倉廩幾于狼戾

## 高平縣志

### 利集

### 卷九

### 六

### 萬曆二年秋八月辛巳獲玉兔

時知縣李公楨清白自持民皆安堵民有獲玉兔  
者以獻公曰余德不逮何瑞之應人以為公之  
德所  
感云

### 十年春二月丙寅換馬鎮北山裂數丈

山鳴凡三日裂  
時震動數十里

### 十一年春二月乙卯民吳守倉妻一產三男

守倉妻某氏產三男知縣劉一相以為人  
瑞給粟膳其母命其子曰大雛二雛三雛

### 十三年春三月丁亥地震者三

時三月三日也自午  
至夜其震凡三次

### 夏五月壬寅冰雹

大者如杵自縣郭及南鄉數村二  
十里之間禾黍一空幾為赤地

### 十四年春不雨至夏六月不雨

盜賊蜂起民有積貯者悉掠去  
老 剝樹皮以啖死者枕藉

### 十五年夏五月丙辰夜冰雹壞民廬室

時縣令楊應中禱雨子靈貺王大雨露足久不報  
祀乃有白雲起自西北冰雹隨降壞民廬室凡數  
百間

## 高平縣志

### 利集

### 卷九

### 七

### 二十四年冬十二月庚子獲玉兔

時馬公從龍知縣事一以克  
菴公自矢故亦獲玉兔之瑞

### 二十七年秋七月壬辰冰雹八月庚戌隕霜歲大饑

冰雹殺禾立盡民改種蕎麥又以霜早  
無成是歲大饑民間鬻妻子者幾千家

### 三十年夏五月店頭村地裂

村兩臨于河雨忽暴漲村幾漂沒忽村後  
平地裂開大穴水入其中已復合如故

### 三十一年秋九月唐安鎮煤 火龍見

里人方下取煤忽見火光滿井極為薰蒸急上之  
已焦爛而死 與雷震井中火光上騰高二丈

餘周圍百步下熱雨尋復入井人不敢近謂有火龍潛焉

### 三十二年秋七月唐安里河溢

大雨暴注河水不由故道徑趨村中漂沒民舍十間渰死男婦二口村之南滙為大池有言見鱗而者伏池內民益恐相與錢祭之已復河水如故

### 三十五年春三月有星自東流于西北

初昏有星自東而西去地僅二丈許經米山及縣城形如帚而有火光已忽不見

### 夏四月星隕于東平村

墜地有聲入深數十尺口而中甚寬取之為難

## 高平縣志

## 利集

## 卷九

## 八

### 夏五月濟瀆池水濁尋復清

靈泉素清冷可玩至是忽渾濁如赤鄉人驚異與牲醴謝愆已而水復清如故說者謂有產婦水以致神譴理或然也

### 閏六月冷氣如冬長河有霜

時當酷暑薰蒸忽陰風襲人寒冷如冬月之狀其夜長河結霜亦如冬月說者謂夏行冬令民疫

### 四十二年秋九月地震有聲如雷

月之廿一日戌刻忽自西北如迅雷震房屋幾仆竟向東北而去尋即寧息

### 四十五年秋九月彗星見至冬十一月止

初東北有白氣瀾漫者數夜至是彗星見長三九  
許白氣時在四面旋遶每夜三更出五更收至十  
一月方不見  
後遼東變作

### 四十六年秋九月大雨水

時最融和至十三日酉刻大雨雪落樹俱  
成冰塊折傷者無筭凜烈如冬數日方燠

### 冬十二月日暈耳

凡數見

### 四十八年夏五月大冰雹

是月廿三日酉刻大者如杵未逾時遍城內外房  
瓦俱碎數年猶未補全縣治內更大如升大風拔  
折丹墀槐樹父老相傳從來之冰雹未有如此之  
慘也先是三月內民隱堂東樹內火起水灌之方

## 高平縣志

### 利集

### 卷九

### 九

息正堂  
樑忽折

### 崇禎六年夏大疫

先是壬申歲流寇蹂躪境幾二年四鄉居民避寇入  
城僦屋而寓至有異姓同居者越歲疫死甚衆

### 冬十月鷄鳩至

雉體鼠脚不能樹棲性愍急羣飛  
中州集若蝟毛出北方沙漠地

### 崇禎十三年旱蝗大饑人相食

已卯夏旱甚秋無禾稼飛蝗野食樹葉幾至  
冬蟪生不絕入人家與民爭熟食越明年春析  
炊子慘不忍聞

國朝

順治三年秋七月大水

是月大雨如注百川沸騰唐  
村橫決倍甚男婦四人溺死

順治六年春正月雨雪大雷有星自西北墜於地光

芒數丈

夏四月地裂

是歲災異迭見姜逆煽動三晉兵起澤潞城陷賊  
黨擅據互相侵掠冬十月征大將軍和碩王討  
之

高平縣志

利集

卷九

十

順治八年夏六月地動

順治十三年夏大饑

六月內斗米錢一千五百文  
皆糴澤潞之民騷然未幾兩

論曰古者書大有則水旱多志來巢則咎徵見然  
而祥桑枯死六鷁退飛救災禳飭未嘗不在人也  
邑之冰雹旱蝗隨代而有消弭救振宜所亟講  
何取乎玉兔瑞芝之紛紜也

方技

王叔和

為太醫令性度沉靜博通經史窮研方脉精意診切尤好述洞識脩養之道撰脉經十卷脉訣四卷脉賦三卷仲景作傷寒論錯簡迨叔和撰次成序得成全書見唐甘伯名醫傳考叔和住籍邑之王寺村今土窑藥碾俱存

李肯堂

性強記有巧思兼善字學及楷篆諸書號西溪有西溪法帖傳世

明

高平縣志

利集

卷九

十一

陳魯

少學易入五臺山見一老翁授以開心符魯跪而吞之遂明占卜九陰陽九官兵法風雨靡不諳達所筮立應

王友古

博物洽聞尤精天文術數及算法凡人心術之計布皆筭而知之嘗集渾天歌器銅烏漏刻候風諸巧事并圖畫為器準

李玘

少以醫著名後善圖緯及玄象之術且能煉形氣晚取老釋二教書折相叅終身力行之時

能

論曰大德不官至道無名則區區伎倆儒者黜而非之彼工侔造化妙擬鬼神盖大道之緒餘利物致用所必錄也且叔和為醫中聖人又不可與諸藝士併觀者矣

仙釋

漢

費長房

高平縣志

利集

卷九

十一

脩真邑之南山暇日入市有貨藥翁懸壺于僻樹每日夕貨畢入壺憩焉長房見而師尊之翁曰儒子有宿緣可教也遂引入壺中乃別一洞天授以竹杖及縮地法雖數千里跨杖頃刻即至後長房亦不知所終

後唐

太愚公

隱於舍利山五音洞調演聲律達五音之玄門明四聲之妙昔壽九十餘一夕諭門徒曰上帝有召吾將歸矣遂沐浴端坐而逝每風晨月夕洞中常有五音之聲後人因名其洞為五音金峯有愚公塔附愚公上心王狀奏六賊表臣聞三乘路遠法界無涯四海晏清十方安泰忍

見軍競起侵擾心田六賊既強心王驚動朝生  
百怪暮長千邪幻惑真如囚牢法體菩提道路隔  
絕不通破壞涅槃傷殘三寶無為珠王悉被偷將  
大藏法財皆遭劫奪塵勞翳日慾火巨天燒蕩國  
城焚漂聖境臣乃見斯紊亂恐正法以難存遂與  
六波羅密商量同為剪滅遣自性為密使探候魔  
軍見在五蘊山內潛伏約有八萬四千餘衆已知  
姓字號計刹那臣遂檢點十八界之雄兵兼立體  
空為號令人人有無垓之力各各懷勇健之心掛  
堅固鎧執三昧鎗智箭禪弓光明慧劍先鋒有見  
性之能力士有奪關之德向大乘門中訓練寂滅  
田內調伏選三明嶺上屯師八正路頭布陣舉大  
覺性為都摠管遊奕四方統領法界生擒妄想之  
徒活捉無名之輩請慈悲王破三毒之寨差忍辱  
將破慳慳之賊臣又向平等川中下寨把斷十惡之  
滅慳貪之賊臣又向平等川中下寨把斷十惡之

高平縣志

利集

卷九

十三

門般若內行兵毀盡八邪之路遂巡魔軍大舉  
殺氣衝天臣乃號令摩訶般若同時入陣各運神  
通通相着力當此之際眼不觀色耳不聽聲鼻不  
嗅香舌不了味身不覺觸意不攀緣勇猛向前念  
念不退兩陣交鋒魔軍大敗六賊全輸勦戮無邊  
掃除蕩盡收下妄想捉獲無明領就湮槃場內以  
慧劍斬為三段煩惱林當時摧折人我山碎作微  
塵愛網用智火焚燒欲海俾自然枯竭致使三明  
再朗四智重圓心王坐歡喜之殿真如登解脫之  
樓自性處無碍之堂三身居不搖之也從茲法界  
寧靜永絕喧囂渡生死之愛河達菩提之彼岸  
軍已滅謹錄奏聞謹奏表并韻母三十十字上唐  
宗特賜土百頃祠部三十  
八道紫衣十道住舍利山

宋

李通敏

仙井里人唐宗室子文簡六世祖舉進士  
遂隱居學辟穀之術屏棄子隱居西山之隈足  
跡不履城市終日端坐事預知年踰百歲無疾  
而終既葬後人於王屋山相遇儀貌若生疑仙去  
因名其山與里  
為游仙坊今廢

元

馬仙姑

洛州永平人幼慕仙欲求棲真之所中統初至上  
黨壺關居數日語人曰此非吾之所止後于縣西  
三十五里通義村依山結廬日以煉形為事廬側  
產異草香聞數里鴉鵲時鳴向群集若有驅之者

高平縣志

利集

卷九

十四

一旦淨几焚香謂麻姑將至少頃正襟而逝後人  
每見仙姑星冠霞里人驚異築祠奉祀今董峯  
庵有石槲即  
其委脫之處

論曰自昔等天地為逆旅眇光陰為過客者徃徃  
有所托而逃則緇玄昇脫之流豈好奇而過焉者  
乎故夫函關望氣葱嶺遺踪二氏之學殆續紛于  
宇內君子亦反經而已矣何必與之相角也

掾階

倫子章

使倉副

魏

弼

巡檢

聚  
使倉副

郜  
聰  
縣丞

陳漢  
使倉大

李寬  
使倉大

李驥  
典史

牛廣  
巡檢

段章  
司都獄司

徐通  
巡檢

王禎  
使倉大

李騰  
巡檢

梁棟  
使倉大

王志  
大使

李綱  
驛丞

李文昇  
典史

李沛  
大使

牛紀  
巡檢

高平縣志

利集

卷九

十五

牛江  
大使

賀科  
巡檢

張思忠

劉坤  
巡檢

李蘭  
府知事

李鈞  
主簿

袁珮  
吏目

李朝  
吏目

趙應宿  
巡檢

郜騫  
吏目

姬佩金  
西安府知事入境  
斷路妖當道奇之

朱科  
經歷

郜應獬  
縣丞

閻瀚  
典史

李思忠  
主簿

秦忠  
縣丞

學

趙朝用

張汝蘭

李邦傑

張梅

劉墩

程汝載

任遷安驛丞性資耿介  
才能理繁任有遺聲

李國臣

任開封府知事  
歷

牛景春

任長蘆大使致  
履賓鄉飲

王倣

以刑名考中任京倉副使  
儒雅和平了無俗吏態

郜志衡

任長蘆  
大使

李代山

任京倉副使歷武  
城主簿秦府典儀

張珵

任京庫副使受勅  
封陞水保鎮巡檢

高平縣志

利集

卷九

十六

石榮

任武安  
驛丞

張琢

任崇寧  
驛丞

張齊

公勤正直歷賓鄉飲縣公  
扁曰仁壽曰齒德俱尊

石堂

任永寧  
驛丞

郭价

任南圉  
巡檢

張思問

任金鎖  
關巡檢

李承光

任靈武  
驛丞

陳陞

任固節  
驛丞

楊汝高

任長蘆  
大使

張孝

任萊陽  
巡檢

王思孟

任南京留  
守衛吏目

張守一

任鵬嶺巡檢  
陞倉大使

姬國澤

任丙字庫大使  
陞廣州府知事

趙官

任倉  
副使

牛天性

任大  
使

汝臣

馮昌祚

李應

任丙字  
庫大使

趙孔隆

馮四端

張惟

任大同  
驛丞

論曰凡春秋所紀皆經邦大訓

姓名者所謂以其人而微之也

而得志于邑乘者謂有賢者

秋之法也

附例授

李克綱

以女隰川王妃  
封兵馬指揮

張

高平縣志

利集

卷九

十七

李宜春

邑庠生奉例納  
授平陽府訓導

郭嗣

耆民

梁廣

賈子玉

李錫

李禎

胡順

趙鑾

牛文獻

趙朝鸞

閻浩

李聰

好義

范文

常 耀 任驛丞陞晉府倉大使

陳三 任富國場大使

石承惠 任太安驛丞

趙承訓

郭時保 王應時人有微而不登其

李濬德 王尚仁掾階微乎微者也

姬舜稷 李鳴陽口焉賢而得書亦春

祁國孝 任自省

龐承考 劉均

尚雲鳳 蘓代福 奉例納授太醫院吏目

高平縣志 **利集** 卷九 十八

李均鳳 郭守廐 太常卿東之子例納金吾衛指揮僉

王化行 司顯

李克勤 郭崇 李萼

郃汝賓 焦元慶 崔廷柱

韓時興 蘓邦彥 武爵

楊嘉玉 運司大使 張應 趙景

李孟冬 郭汝久 牛廷

袁時震 李 田 桂 以上

張齊

史得林

馮應時

秦德化

脩潔文雅敦倫重義有司屢召鄉飲

邵雲鵬

古貌古心善事善教召與鄉飲

王國安

有德有功縣學旌表

秦諒

謙恭曲謹孝友睦婣鄉筵屢與

鄭雲梯

作德既著令聞積善能流餘慶

張時通

淳篤旌善

石桐

崇敬讓博施予昔高其誼今慕其德

趙徵賢

謙恭禮讓冠帶扁旌

論曰田野耆黎一鄉之德望係焉有司歲脩故事

召與賓筵固所以重鄉評崇憲典也昔絳縣老人

光映晉室此鄉耆有志亦春秋不滅德廢賢之意

高平縣志

利集

卷九

十九

僑寓

唐

張誨

其先居清河祖嘗為和川令子孫家焉誨徙居高平自號拙菴以文學名世專經術富篇韻多交稔于鴻儒居鄉不苟訓諸生徒子感孫素本皆膺歲薦

宋

李常侍

福王之後家隴西成紀縣五代喪亂為澤州守遂占籍高平善治生勤于農桑與傭力作不少懈

休即讀書鼓琴以脩其家學事親處兄弟教子皆盡其道敦尚行誼遠近慕之五府連辟不就年九十三卒葬于董寨村

金

王謙

并州世閥後隨母氏至高平愛其山水佳麗遂家焉少沉靜有志操是非喜怒不形言色幼受學翰林學士王晦玄經釋典九流七畧咸所精練以子貴封朝列大夫卜築西山結社講道不議時政不履公門直躬化俗有太丘遺風

明

高平縣志

利集

卷九

二十

張恂

陝西涇陽人崇禎癸未進士因遶闖亂京師潛避至邑遨遊山谷間以嘯詠自適

舒聲

江南人流寓邑之米山以潞安府庠士登鄉科

宋 翥

進士山東城武人闖遶破關避亂高平居陳堰村登臨間適翛然有出塵想

國朝

張彥珩

河南洛陽人進士自癸酉大變之後寓 壩村  
會兩榜俱發跡于此婚嫁悉在邑境終二十餘年  
遂成  
土著

論曰士之負重望者即身不過都而聲稱籍甚海  
宇已矚瞻其丰采矧有四方之志者豈其沉迹于  
故里以故在秦秦重在魏魏重彼一說士者流且  
争艷之長平一邑不乏長者之車而此固矜式于  
吾泫者因併及之

雜著

高平縣志

利集

卷九

二十一

### 邢氏世家

按邢姬姓周公之胤也為魯附庸狄入邢齊人救  
之邢遷夷儀三師城邢美桓公之志義也後衛奭  
燬滅邢春秋以滅同姓之親故生而書名其後子  
孫世以為國姓陵夷至于列國子孫散處莫可究  
詰今按邑志漢有諱晏安者不知何許人始為高  
平令嗣是而有道業有顯有文光皆相繼為令迨  
文光沒于官而子孫遂占籍于邑之邢村晉有名  
元卿者以功進爵大尉而邑志中又有曰安曰文  
顯曰延之曰元中曰仲慶俱為大守曰受并州司  
馬曰尹定州刺史俱先後出處莫可考正而衣冠  
世躋屢登樞要殆榮戟之門世德之彥乎入明朝  
又有曰校曰璉曰惠曰國庶俱以鄉舉曰永淳曰  
大叙曰國熙俱以貢升  
識者謂其世德未艾云

李氏世家

唐有宗室子寓居于高平自宋有名大節者以長厚聞節之子旦始躋顯仕旦生異舉進士異長子林亦舉進士次子曼以能賦稱金大德二年登第以州文學森長子曼以能賦稱金大德二年登第以子晏舉皇統六年進士歷翰林學士承旨禮部尚書卒謚文簡曼長子伯疇善騎射次中立昌明二年登第歷鄭平安平秀谷三縣令考績為天下最長子仲畧大定十九年登進士第官左都漕未幾以父衰病乞歸侍特授澤州刺史以便祿養誥辭有曰父常持節覃懷子復分符漢澤一門之寵今人榮之而今不可作矣

郭氏世家

高平縣志

利集

卷九

當今譚郭氏者率推本郭汾陽之後云相傳有郭恩者自太原徙居高平壽九十餘卒葬于邑之李村有數十來棲塚上識者已知其後必昌熾數傳而有諱欽者生二子長文次質皆有聲藝苑質領正統甲子鄉薦文發丁卯解元于是聲華蔚起人文輩出矣文之子騫舉成化庚子科質之子定成化乙未進士拱宸與定之子坤俱舉弘治己酉科為叔侄共舉增舉弘治辛酉科定之孫鑿嘉靖壬辰進士鄉會俱以魁選官工部左侍郎食尚書俸鑿與鑿同登嘉靖乙未進士鑿官南京工部右侍郎鑿終河南憲副鑿舉嘉靖辛卯科亦鑿鄉舉鑿與鑿為坤出而鑿與又城出也質之二房孫長舉嘉靖戊子科欽之侄宗舉景泰丙子科宗曾孫東嘉靖丙辰進士官南京太常卿東之子嗣煥萬曆壬辰進士終府同知又有日淳曰樞皆宗人俱以鄉舉一門顯耀有如孫媿美叔

同登兄弟聯科吁已異矣且一時而伯仲  
工曹紆青拖紫爭相輝映海宇為之推讓焉至于  
紫誥錫封膠庠里選更僕未  
易數也謂曰世家信不誣矣

論曰根深末茂源遠流長盖自古記之按邑三姓  
一為姬周之胤一為李唐之裔其克昌後嗣由來  
漸矣郭氏以汾陽支派世躋華臚說者謂子儀食  
報于天也似非無稽之論余以為前有明德後有  
令嗣天心眷顧寧有已時若棄德不祥天且厭之  
是子孟之後隕墜家聲而張湯之緒且以今聞矣

高平縣志

利集

卷九

二十三

可不畏夫

郭太常異徵

嘉靖間郭太常東方困諸生時肄業于庠之東廡  
丙夜就寢忽陰風自室而起數十人擁戶而入各  
執挺乃向太常痛擊摩頂至踵靡不剔骨湏臾已  
就死地太常初疑為盜方欲求免忽昏瞶不知彼  
時主事君暨太孺人在家寢夢中有人呼曰汝子  
郭東被賊殺矣夫婦驚起旋至學宮門戶如故大  
聲而呼東如夢方覺正欲泣訴見滿地皆牛骨  
知為鬼所剔及曙鄉人驚異咸賀為貴徵丙辰  
第前母孺人夢金甲神呼曰汝子東為三甲進士  
天東以一介寒儒歷官太常壽幾九十豈尋常人  
物故其徵  
應如此

常兵憲異徵

兵憲存仁家城隍廟西就中肄業每夜讀時向神  
面前分燈久之住持道人向常叩禮願為執役夜  
供油燭常素寒薄穀無施給于道人乃尊禮如此  
中必有故道人謂常曰他日位列台鼎慎勿相忘  
昨夢城隍神謂余曰常之位尊我累來分燈使  
我僕僕迴避于心不安不如就舍中取給甚為  
方便常聞言開頤曰果如是夢焉敢相忘幽有鬼  
責甚于人非後常果聯登子丑歷官兵憲神之預  
報盖非幻云

論曰自古賢哲之生鬼神顛呵護之試觀郭常二

公起自寒微致身青紫非有若啟若翼于其間烏

高平縣志

利集

卷九

二十四

能聲施當世哉而後之德業聞望卒表表于寰宇

乃知神之默相善人非特以位顯已也

長平八景

郭一泉先生舊志載八景詩至萬曆年間  
脩志悉刪去別載其說以辨八景為相沿  
之俗無實跡可考然登山臨水探奇覽勝  
未必非騷人墨客之一助也附舊詩新詠

金峰夜月

陳顯

金峰秀出太行青遙夜高懸片月明影落寒潭清到

底一輪長照古今情

新詠 靈巖秋樹老颺颺碧海青天影欲流謾道

如滿月明明佛國放 秋

丹水秋波

陳 顥

丹水秋波恨不窮波流東去霸圖空落霞光射斜陽  
影猶訝當年戰血紅

新詠 丹朱嶺下泛清流森森煙波萬古秋憶昔芙  
蕖花滿縣何因偏為趙軍愁

大糧積雪

陳 顥

大糧山頭雪成堆趙壁秦城迹已埋猶喜豐年應有

高平縣志

利集

卷九

二十五

兆陽春一曲為誰裁

新詠 木落天空動曉涼飛雲濺雨亂山傍不知玄  
谷糧多少似有塵堆萬斛香

橫澗垂虹

陳 顥

朝陽東映玉虹西飲澗橫流影漸迷回首秋風天路  
近飛梁千尺接雲梯

新詠 兩朝月夕見毫光一望垂虹石徑涼歎息道  
人踪跡杳擬從碧落問津梁

石室朝霞

陳顥

雲開石室寶霞升散逐中天曉日明光彩平分丹水上不知何處是秦坑

新詠 山光樹色兩輝輝欲揖朝暎向石幃世代未能湮佛面五雲常自拂苔衣

鳩山暮雨

陳顥

鳩山薄暮雨淒淒野水流雲出小溪欲識山中民樂事東皋南畝足耕犁

高平縣志

利集

卷九

二十六

新詠 堙海無能怨未休每因風雨淚交浮晚雲擁樹歸飛急化作鳩山一段愁

游仙曉鍾

陳顥

淡月踈星照露臺鯨 初動梵宮開驚殘一枕游仙夢多少禪僧入定回

新詠 十里寒山古剎幽飛仙遺蹟至今留曉鍾醒痴愚夢鹿鹿紅塵幾白頭

羊頭夕照

陳顥

羊頭山高落日斜餘光低照野人家巡行不謂前村

晚猶縱青 驄步月華

新詠 古木蕭疎噪暮鴉山邨暝色入人家羊峰矗

上青霄裏尚有殘陽映晚霞

附見

懷慶人陰司對理

萬曆己丑懷慶有民秦萬言者因父遺妾移遞家  
貲與之角口妾母因而致死萬言驚惶畏妾之父  
母刁橫求救于郡之掌刑豪書于自知韓陽夢乃  
以白金十兩托韓而轉浼於于懋求活罪豈期于

高平縣志

利集

卷九

二十七

素與萬言不睦雖得數金竟以抵案坐萬言死罪  
萬言遂憤恨而死于亦未幾云亡又數年韓以贓  
私脫逃至高平變易姓名為田某者往來邑之平  
頭丹水姬萬等村日以訓蒙為業人不知其為韓  
也至丁未夏四月間無故語諸童子曰余韓姓陽  
夢其名也二十年前于自知事發了秦萬言在陰  
曹告我為頭名犯人乃謂妻家中做飯與眾公差  
用我寫訴狀一紙候審妻與眾各驚訝至初八日  
忽又曰老爺勾追至矣若與于相辨而對泣者  
倒地不語移時在地為受刑狀呻吟之聲眾不忍  
聞眾因焚訴狀跪地求免須臾忽起曰老爺審理  
與我無干自知抵罪萬言解矣眾見韓之兩股  
青腫為受夾者兩三月卧床未愈鄉人方互傳  
為驚異邑之城隍廟丙夜時有士人忽聽廟庭有  
數人對理言似與前脗  
合問之即四月八日也

李官變牛

嘉靖間野川民李官素無善行乃正命而終鄉人咸以為漏網方停屍二日其子夜聞呼號之聲意其為父囧生也相與審視之其父變為一牛頭與手足皆牛獨腰腹尚為人形急蓋棺揜之棺中咆哮尚數日而止

劉國川龍抓

劉國川者鄉之惡人也萬曆壬寅夏六月六日與子往耕于田時霽日無雲忽片雲起自西北其子謂其將有雨勸父回家避雨國川行轉峻下少憩聞石中啾唧意其為寶也揮鋤刷之忽霹靂一聲火龍自土中起提國川于空其子哀鳴求免乃墜國川于二里外頭以下皆焦爛惟兩腿骨少存耳

高平縣志

利集

卷九

二十八

袁主簿冤魂索命

袁主簿宏曹州人嘉靖間署縣印殘虐百姓民以無辜死者數十人未幾以貪論黜其鄉人有吳老者夜夢青衣數十向宏家索命吳老夢中勸囧青衣者曰伊子後為山西巡按可雪吾恨至萬曆丁酉吳老之子吳公楷果為山西巡按御史下檄本縣屬壇致祭其文曰昔我曹人名袁宏者作爾縣主簿以貪酷敗官子孫式微萬曆七年七月十一日余先人諱中立夜感異夢見爾縣青衣數人遶袁氏之宅索命索債用言勸囧既寤乃命余曰若宦遊山西無忘祭此厲鬼茲夢寐幻景疇敢為真第福善禍淫天道不爽袁氏剥民肥家旋亦絕嗣承繼孫今已為人傭矣爾縣之民或被其漁獵或斃于猷朴賈恨以沒遂為厲鬼今觀袁氏之無後亦可釋恨于九泉余奉上命督塩此方有伸冤

之任特以羊一豕一楮幣椒  
祭爾有衆爾其鑒歆尚饗

### 義雞報冤

崇禎十三年有遊僧入南關集市敲木魚募化至石牌樓下民間有養雄雞者突飛僧頂亂啄流血驅之不去每經過即如此至四五次市人咸駭為異遂白之官一加拷訊盡吐其所作奸狀曾刼殺鷄主於鄉下啓屍不獲獄未成而僧已斃人以為冤報云

### 會場

邑俗女競襍喜于媚神正月元宵日在金峰山灸石佛為遊百病三月十八日集會縣西五里濟瀆池四月初五日會縣東二里真澤祠女人多乞嗣五月初五日會山孫真廟至于城中鄉社廟

### 高平縣志

### 利集

### 卷九

### 二十九

宇歲各迎神賽社三日其俗不遵典禮喜伶人做雜劇喧鼓樂以供祀神

### 登選鳥異

邑中有鳥曰老鸛每歲遇大比來棲于庠之殿舍其數幾何士之登科者亦如之鄉人每占為預報其最異者莫如嘉靖丁酉科是歲有老鸛者五來集于庠湏與一鸛飛于西南是科中式者本庠四名而闔承光為澤學生而高乎其原籍也鳥之徵異如此

論曰陰司果報生死輪迴之說儒者所不道而事

雖不經迹多有驗姑存之以為懲惡勸善之助若

男女雜集而望鬼神之歆 鳥來

瑞不亦誕而無徵乎

### 坑卒考

周赧王五十一年秦白起破趙軍于長平殺其將趙

### 括坑降卒四十萬

長平初隸韓周赧王五十三年秦將白起伐韓拔野王上黨路絕上黨守馮亭與其民謀曰鄭道已絕不如歸趙趙受我秦必攻之韓趙為一可以當秦于是長平始降趙五十五年秦王齧將兵攻上黨拔之上黨民走趙將廉頗軍長平以按據之趙用樓昌計媾秦求和天下諸侯聞秦顯重趙使鄭朱不復救趙廉頗堅壁不出又多亡失趙王數讓之武安君白起行千金為反間言秦獨畏馬服

### 高平縣志

### 利集

### 卷九

### 三十

君之子趙括為將耳廉頗易與且降矣趙王遂以括代頗將括母諫其不可藺相如以括徒讀父書不知合變趙竟不聽秦王聞括已將乃陰使武安君為上將而齧為裨將令軍中無敢泄武安君者括至軍悉更約束易置軍吏出擊秦軍武安軍佯敗走張二奇兵以劫之括乘勝追造秦壁即今之省冤谷是也其谷四圍皆高山聯絡前有一路僅容車馬形如布袋趙軍既入秦用奇兵絕其後軍分為二糧道既絕秦出輕兵擊之趙戰不利築壁堅守武安君築臺以覘趙軍今其臺尚存秦王聞之自如河內戮民十五以上悉詣長平遮絕趙救兵因建空倉于西山以給趙軍趙軍絕糧四十六日人相食急攻秦壘欲出不得括自出搏戰秦射殺之卒四十萬人解甲伏降武安君誘入谷口曰秦拔上黨其民不樂為秦而歸趙卒反復恐亂乃盡坑之遺其小者二百餘人歸趙前後

共四十五萬人當時頭顱似山後人收而埋之  
今名為骷髏廟考邑坑卒之處故城在縣西北二  
十里王報等村俱是  
其遺跡見山川古跡

論曰兵法詭道而勝之曰敗悉虜而俘之曰取未  
聞有坑卒者坑則設陷阱揜禽獸令死者含冤負  
恨而莫可誰何也應侯秉鉞函秦宜仗義執言以  
收天下乃挾詐坑趙降卒四十萬呼冤徧楚流血  
成河未幾身蒙屠戮感應固彰明矣後世項羽入  
關亦坑秦降卒二十萬于新安甘行慘毒謂之何

高平縣志

利集

卷九

三十一

哉

卷之九終